

Headline	FAMA Melaka siap sedia agih KMP		
MediaTitle	Sinar Harian		
Date	17 Nov 2019	Color	Full Color
Section	Nasional	Circulation	140,000
Page No	34	Readership	420,000
Language	Malay	ArticleSize	226 cm <sup>2</sup>
Journalist	N/A	AdValue	RM 4,791
Frequency	Daily	PR Value	RM 14,373



## FAMA Melaka siap sedia agih KMP

**MELAKA TENGAH** - Lembaga Pemasaran Pertanian Persekutuan (FAMA) Melaka akan menyediakan kit makanan permulaan (KMP) untuk diagihkan kepada penduduk terjejas banjir di negeri itu.

Pengarahnya, Che Samudin Hassan berkata, berdasarkan kepada pengalaman lalu, kira-kira 10,000 KMP diperlukan untuk disalurkan ke pusat-pusat pemindahan banjir di sekitar Melaka.

Menurutnya, jumlah itu bertepatan dengan bilangan mangsa banjir yang diperoleh sebelum ini dan ia tidak boleh melebihi sasaran itu kerana bimbang barang makanan seperti sardin, biskut, kopi dan gula mempunyai tarikh luput dan sukar untuk dipulangkan semula sekiranya terdapat lebihan KMP.

"Kita akan bekerjasama dengan Nadma (Agensi Pengurusan Bencana Negara) dan jika mendapat arahan terhadapnya mangsa banjir, FAMA Melaka akan mengambil KMP di lokasi simpanan kita di FAMA Dengkil, Selangor.

"Sebanyak 10,000 bungkus KMP itu berdasarkan jumlah yang



Che Samudin (kanan) menyampaikan sumbangan kepada pesakit strok, Rafeah Aziz, 52, pada program BPR di Bukit Tempurung, Banda Hilir semalam.

kita pernah beri pada tahun lalu kepada mangsa-mangsa banjir dan percaya bilangan itu lebih kurang sama pada persediaan tahun ini," katanya.

Che Samudin berkata demikian pada sidang akhbar selepas program Bazar Peduli Rakyat (BPR) yang disempurnakan oleh Exco Pertanian, Pembangunan Usaha-

wan, Koperasi dan Industri Asas Tani Melaka, Datuk Norhizam Hassan Baktee di Bukit Tempurung, Banda Hilir di sini semalam.

Hadir sama Ahli Dewan Undangan Negeri (ADUN) Banda Hilir, Datuk Tey Kok Kiew dan Datuk Bandar Majlis Bandaraya Melaka Bersejarah (MBMB), Datuk Mansor Sudin.